

第二四二冊

明倫彙編

皇極典

聽言部

法令部

賞罰部

寬嚴部

風俗部

三

(卷)

三

三

三

三

古今圖書集成

中華書局影印



古今圖書集成

卷之四百四十四

欽定古今圖書集成明倫彙編皇極典

第二百六十三卷目錄

聽言部彙考一

陶唐氏 帝堯一則

有虞氏 帝舜一則

夏后氏 帝禹一則

商成湯一則

周武王一則

漢文帝一則 後元一則 宣帝本始一則 元帝初元一則 永光一則

成帝建始二則 元延一則 京帝永平一則 永始二則 元延一則 京帝永平一則 永始二則

後漢光武建武二則 安帝永初一則 建光一則 桓帝建和一則 延熹一則 靈帝建寧三則 光和一則 獻帝建安一則 延康一則

魏齊王一則

晉武帝泰始三則 太康一則 元帝太興二則 明帝太寧一則 孝武帝大明一則 明帝泰始一則

宋高宗建元一則 明帝建武一則 東晉懷帝元一則

梁武帝天監四則 大同四則

陳宣帝太建二則 後主至德一則

北魏明元帝泰常一則 孝文帝延興一則 孝明帝神龜一則 孝昌一則 孝莊帝建義一則

北齊文宣帝天保一則 孝昭帝皇建一則

北周明帝武成一則 武帝保定一則 建德文帝開皇二則 煬帝大業一則

皇極典第二百六十三卷

聽言部彙考一

陶唐氏

帝堯下聽於人設諫鼓謗木

按管子桓公問篇堯有衡室之間下聽於人

按鄭樵通志五帝紀帝堯置諫鼓達窮民立謗木使人書之樂聞過也

有虞氏

帝舜命四岳開言路

按書經舜典詢于四岳明四目達四聰

舜既告廟即位乃謀治于四岳之官廣四方之視聽以決天下之壅蔽全唐孔氏曰明四方之目使爲己遠視四方也達四方之聰使爲己遠聽聞四方也恐遠方有所壅塞令爲己悉聞見之

按管子桓公問篇舜有告善之旌而主不蔽

按崔豹古今注舜受堯禪廣開視聽求賢人以自輔

夏后氏

帝禹懸鐘鼓磬鐸置鞀以求昌言

按管子桓公問篇禹立諫鼓于朝而備訊喚

注 訊問也喚驚問也

按淮南子記論訓禹之時以五音聽治懸鐘鼓磬鐸置鞀以待四方之士爲號曰教寡人以道者擊鼓論寡人以義者擊鐘告寡人以事者振鐸語寡人以憂者擊磬有獄訟者搖鞀

商

成湯從諫弗咈

按書經伊訓先王肇修人紀從諫弗咈先民時若

傳言湯從諫如流

按管子桓公問篇湯有總街之庭以觀人誹

周

武王置誠慎之發以開言路

按劉勰新論貴言篇武王置誠慎之發以聖哲之神鑒窮機洞微非有毫髮之謬猶設廣聽之術開嘉言之路

漢

文帝二年下詔求言除諛諂言之罪

按漢書文帝本紀二年十一月癸卯晦日有食之詔曰朕聞之天生民爲之置君以養治之人主不德布政不均則天示之災以戒不治乃十一月晦日有食之適見於天災孰大焉朕獲保宗廟以微眇之身託于士民君王之上天下治亂在予一人惟二三執政猶吾股肱也朕下不能治育羣生上以累三光之明其不德大矣令至其悉思朕之過失及知見之所不及句以啓告朕五月詔曰古之治天下朝有進善之旌誹謗之木所以通治道而來諫者也今法有誹謗

詆言之罪是使衆臣不敢盡情而上無由聞過失也將何以來遠方之賢良其除之民或祝詛上以相約而後相謾更以爲大道其有他言吏又以爲誹謗此細民之愚無知抵死朕甚不取自今以來有犯此者勿聽治

後元年詔求直言

按漢書文帝本紀後元年春三月詔曰聞者數年比不登又有水旱疾疫之災朕甚憂之愚而不明未達其咎意者朕之政有所失而行有過與乃天道有不

順地利或不得人事多失和鬼神廢不享與何以致此將百官之奉養或費無用之事或多與何其民食之寡乏也夫度田非益寡而計民未加益以口量地其于古猶有餘而食之甚不足者其咎安在無乃百姓之從事于末以害農者蕃為酒醪以靡穀者多六畜之食焉者衆與細大之義吾未能得其中其與丞相列侯二千石博士議之有可以佐百姓者率意遠思無有所隱

宣帝本始四年以郡國災異詔求直言

按漢書宣帝本紀本始四年夏四月壬寅郡國四十九地震或山崩水出詔曰蓋災異者天地之戒也朕承洪業奉宗廟託于士民之上未能和羣生遇者地震北海琅邪壞祖宗廟朕甚懼焉丞相御史其與列侯中二千石博問經學之士有以應變輔朕之不逮母有所諱

地節二年下詔求言

按漢書宣帝本紀地節二年五月令羣臣得奏封事以知下情自丞相以下各奉職奏事以傳奏其言

地節三年以地震詔求直言

按漢書宣帝本紀三年冬十月詔曰迺者九月壬申地震朕甚懼焉有能箴朕過失及賢良方正直言極諫之士以匡朕之不逮母諱有司

元帝初元二年以災異詔求直言

按漢書元帝本紀初元二年秋七月詔曰歲比災害民有菜色慘怛於心已詔吏虛倉廩開府庫振救賜寒者衣今秋禾麥頗傷一年中地再動北海水溢流殺人民陰陽不和其咎安在公卿將何以憂之其悉

意陳朕過靡有所諱

初元三年詔求直言

按漢書元帝本紀三年六月詔曰蓋聞安民之道本緣陰陽間者陰陽錯謬風雨不時朕之不德庶幾羣公有敢言朕之過者今則不然媼合苟從未肯極言朕甚閔焉求惟蒸庶之饑寒遠離父母妻子勞於非業之作衛於不居之宮恐非所以佐陰陽之道也其罷甘泉建章宮衛令就農百官省費條奏母有所諱

永光四年以日食詔求直言

按漢書元帝本紀永光四年夏六月戊寅晦日有蝕之詔曰蓋聞明王在上忠賢布職則羣生和樂方外蒙澤今朕耽于王道夙夜憂勞不通其理靡瞻不眩靡聽不惑是以政令多還民心未得邪說空進事無成功此天下所著聞也公卿大夫好惡不同或緣姦作邪侵削細民元元安所歸命哉迺六月晦日有蝕之詩不云乎今此下民亦孔之哀自今以來公卿大夫其勉思天戒慎身修末以輔朕之不逮直言盡意無有所諱

成帝建始元年詔公卿直言無諱

按漢書成帝本紀建始元年夏四月黃霧四塞博問公卿大夫無有所諱

建始三年以日食地震詔求直言

按漢書成帝本紀三年冬十二月戊申朔日有蝕之夜地震未央宮殿中詔曰蓋聞天生衆民不能相治爲之立君以統理之君道得則草木昆蟲咸得其所人君不德謫見天地災異妻發以告不治朕涉道日寡舉錯不中乃戊申日蝕地震朕甚懼焉公卿其各

思朕過失明白陳之女無面從退有後言

河平元年以日食詔求直言

按漢書成帝本紀河平元年夏四月己亥晦日有蝕之既詔曰朕獲保宗廟戰戰栗栗未能奉稱傳曰男教不修陽事不得則日爲之蝕天著厥異幸在朕躬公卿大夫其勉悉心以輔不逮百僚各修其職惇任仁人退遠殘賊陳朕過失無有所諱

鴻嘉二年詔求直言

按漢書成帝本紀鴻嘉二年春三月詔曰古之選賢傳納以言明試以功故官無廢事下無逸民教化流行風雨和時百穀用成衆庶業成以康寧朕承鴻業十有餘年數遭水旱疾疫之災黎民妻困于饑寒而望禮義之典豈不難哉朕既無以率道帝王之道日以陵夷意迺招賢選士之路鬱滯而不通與將舉者未得其人也其舉敦厚有行義能直言者冀聞切言嘉謀匡朕之不逮

永始二年以日食詔求直言

按漢書成帝本紀永始二年二月乙酉晦日有蝕之詔曰迺者龍見於東萊日有蝕之天著變異以顯朕郵朕甚懼焉公卿申救百僚深思天誠有可省減便安百姓者條奏

永始四年以災異詔求直言

按漢書成帝本紀四年六月甲午詔曰迺者地震京師火災妻降朕甚懼之有司其悉心明對厥咎朕將親覽焉

元延元年以星變詔求直言

按漢書成帝本紀元延元年秋七月有星孛于東井

詔曰迺者日蝕星隕謫見於天大異重仍在位默然罕有忠言今字星見於東井朕甚懼焉公卿大夫博士議郎其各悉心惟思變意明以經對無有所諱

京帝元壽元年以日食詔求直言

按漢書哀帝本紀元壽元年春正月辛丑朔日有蝕之詔曰朕獲保宗廟不明不敏宿夜憂勞未皇寧息惟陰陽不調元元不贍未覩厥咎其教公卿庶幾有望至今有司執法未得其中或上暴虐假執獲名溫良寬柔陷于亡滅是故殘賊彌長和睦日衰百姓愁怨靡所錯躬迺正月朔日有蝕之厥咎不遠在余一人公卿大夫其各悉心勉帥百僚敦任仁人黜遠殘賊期于安民陳朕之過失無有所諱

後漢

光武帝建武六年以日食詔百僚上封事

按後漢書光武帝本紀建武六年九月丙寅晦日有食之冬十月丁丑詔曰吾德薄不明寇賊爲害疆弱相陵元元失所詩云日月告凶不用其行末念厥咎內疚于心其敕公卿舉賢良方正各一人百僚並上封事無有隱諱

建武七年以日食詔百僚上封事

按後漢書光武帝本紀七年三月癸亥晦日有食之詔曰吾德薄致災謫見日月戰栗恐懼夫何言哉今方念愆庶消厥咎其令有司各修職任奉遵法虔惠茲元元百僚各上封事無有所諱

明帝永平二年以日食詔求直言

按後漢書明帝本紀永平三年八月壬申晦日有蝕之詔曰朕奉承祖業無有善政日月薄蝕肆見天

水旱不節稼穡不成人無宿儲下生愁墊雖風夜動思而智能不逮昔楚莊無災以致戒懼魯哀禍大天不降譴今之動變儻尚可救有司勉思厥職以匡無德古者卿士獻詩百工箴諫其言事者靡有所諱

永平八年以日食詔求直言

按後漢書明帝本紀八年冬十月壬寅晦日有食之既詔曰朕以無德奉承大業而下貽人怨上動三光日食之變其災尤大春秋圖讖所謂至譴未思厥咎在予一人羣司勉修職事極言無諱於是在位者皆上封事各言得失帝覽章深自引咎乃以所上班示百官詔曰羣僚所言皆朕之過人冤不能理吏黠不能禁而輕用人力繕修宮宇出入無節喜怒過差昔應門失守關雎刺世飛蓬隨風微子所歎永覽前戒竦然兢懼徒恐薄德久而致怠耳

永平十八年八月章帝即位十一月詔有司各上封事

按後漢書章帝本紀永平十八年八月壬子即皇帝位十一月甲辰晦日有食之詔有司各上封事

和帝永元七年以日食詔百僚各上封事

按後漢書和帝本紀永元七年夏四月辛亥朔日有食之帝引見公卿問得失令將大夫御史謁者博士議郎郎官會廷中各言封事

安帝永初二年詔百僚郡國指變以聞

按後漢書安帝本紀永初二年秋七月戊辰詔曰昔在帝王承天理民莫不據璇璣玉衡以齊七政朕以不德遵奉大業而陰陽差越變異並見萬民饑流羌貊叛戾夙夜克己憂心京京間令公卿郡國舉賢良

方正遠求博選開不諱之路冀得至謀以鑒不逮而所對皆循尚浮言無卓爾異聞其百僚及郡國吏人有道術明習災異陰陽之度璇璣之數者各使指變以聞二千石長吏明以詔書博衍幽隱朕將親覽待以不次冀獲嘉謀以承天譴

建光元年以地震詔陳得失

按後漢書安帝本紀建光元年十一月己丑郡國三十五地震或坼裂詔三公已下各上封事陳得失

順帝陽嘉二年以京師地震詔求直言

按後漢書順帝本紀陽嘉二年夏四月己亥京師地震五月庚子詔曰朕以不德統奉鴻業無以奉順乾坤協序陰陽災眚屢見咎徵仍臻地動之異發自京師矜矜祇畏不知所裁羣公卿士將何以匡輔不逮奉答戒異異不空設必有所應其各悉心直言厥咎靡有所諱

永和元年以災異詔百僚各上封事

按後漢書順帝本紀永和元年春正月乙卯詔曰朕秉政不明災眚屢臻典籍所忌震食爲重今日變方遠地搖京師咎徵不虛必有所應羣公百僚其各上封事指陳得失靡有所諱

建康元年八月庚午冲帝即位九月詔百僚皆上封事

按後漢書冲帝本紀建康元年八月庚午即皇帝位九月庚戌詔三公特進侯卿校尉舉賢良方正幽逸修道之士各一人百僚皆上封事

桓帝建和元年以日食地震詔求直言

按後漢書桓帝本紀建和元年春正月辛亥朔日有

食之詔三公九卿校尉各言得失夏四月庚寅京師地震命列侯將大夫御史謁者千石六百石博士議郎郎官各上封事指陳得失

延熹五年以地震詔公卿上封事

按後漢書桓帝本紀延熹五年五月乙亥京師地震詔公卿各上封事

靈帝建寧元年以日食詔百官上封事

按後漢書靈帝本紀建寧元年五月丁未朔日有食之詔公卿以下各上封事

建寧二年以災異詔百官上封事

按後漢書靈帝本紀二年夏四月癸巳大風雨雹詔公卿以下各上封事

建寧四年三月辛酉詔公卿至六百石各上封事

按後漢書靈帝本紀云云

光和六年令羣臣各陳政要

按後漢書靈帝本紀不載 按開府元龜光和六年夏早七月制書引咎詔羣臣各陳政要所當施行

獻帝建安十一年魏公下令求言

按後漢書獻帝本紀不載 按魏志武帝本紀建安十一年註魏書載十月乙亥令曰夫治世御衆建立

輔弼誠在面從詩稱聽用我謀庶無大悔斯實君臣懇懇之求也吾充重任每懼失中頻年以來不聞嘉謀豈吾開延不勤之咎邪自今以後諸掾屬治中別

駕常以月旦各名其失吾將覽焉

延康元年魏王下令求言

按後漢書獻帝本紀不載 按魏志文帝本紀延康元年秋七月庚辰令曰軒轅有明臺之議放勳有衢

室之間皆所以廣詢於下也百官有司其務以職盡規諫將率陳軍法朝士明制度牧守申政事摛紳考六藝吾將兼覽焉

魏

齊王正始元年以久旱詔求讜言

按魏志齊王本紀正始元年春二月自去冬十二月至此月不雨丙寅詔羣公卿士讜言嘉謀各悉乃心

晉

武帝泰始二年詔求直言

按晉書武帝本紀泰始二年九月乙未散騎常侍皇甫陶傳元領諫官上書諫諍有司奏請寢之詔曰凡

關言人主人臣所至難而苦不能聽納自古忠臣直士之所慷慨也每陳事出付主者多從深刻乃云恩貸當由主上是何言乎其詳評議

按開府元龜泰始二年九月散騎常侍皇甫陶傳元

共掌諫職上疏言事詔曰二常侍懇懇於所論可謂乃心欲佐益時事者也而主者率以常制裁之豈得不使發憤邪二常侍所論或舉其大較而未備其餘

目亦可便令作之然後主者八座廣共研精凡關言於人主人臣之所至難而人主苦不能虛心聽納自古忠臣直士之所慷慨至使杜口結舌每念於此未嘗不嘆息也故前詔敢有直言勿有所拒庶幾得以發蒙補過獲保高位苟言有偏善情在忠益雖文辭

有謬誤言語有得失皆當曠然恕之古人有不拒諱謗况皆善意在可采錄乎近者孔蠹蔡母和皆按以輕慢之罪所以皆原欲使四海知區區之朝而無諱言之忌也

泰始四年下詔求言

按晉書武帝本紀四年九月詔曰雖詔有所欲及奏得可而於事不便者皆不可隱情

泰始五年秋七月延羣公詢讜言

按晉書武帝本紀云云

太康七年以日食詔公卿大臣極言無諱

按晉書武帝本紀太康七年春正月甲寅朔日有食之乙卯詔曰比年災異屢發日食三朝地震山崩邦之不臧實在朕躬公卿大臣各上封事極言其故勿有所諱

元帝太興元年詔公卿直言得失

按晉書元帝本紀太興元年十一月庚申詔曰朕以寡德纂承洪緒上不能調和陰陽下不能濟育羣生災異屢興咎徵仍見壬子乙卯雷震暴雨蓋天災譴誠所以彰朕之不德也羣公卿士其各上封事具陳得失無有所諱將親覽焉

太興二年十二月乙亥詔百官各上封事

按晉書元帝本紀云云

明帝太寧三年詔求直言

按晉書明帝本紀太寧三年夏四月詔曰食直言引亮正想羣賢達吾此懷矣予遵汝弼堯舜之相君臣也吾雖虛闇庶不拒逆耳之談稷契之任君居之矣望其助之

宋

文帝元嘉五年詔求讜言

按宋書文帝本紀元嘉五年春正月乙亥詔曰朕恭承洪業臨饗四海風化未弘治道多昧求之人事鑒

瘵惟憂加頃陰陽違序旱疫成患仰惟災戒責深在予思所以側身刻念議獄詳刑上答天譴下恤民瘼羣后百司其各獻讜言指陳得失勿有所諱

元嘉三十年孝武帝即位下詔求言
按宋書孝武帝本紀元嘉三十年四月己巳即皇帝位秋七月辛丑朔日有食之甲寅詔曰世道未夷惟憂在國夫使羣善畢舉固非一才所議况以寡德屬衰薄之期夙宵寅想未懷待旦王公卿士凡有嘉謀善政可以維風訓俗咸達乃誠無或依隱

孝武帝大明元年下詔求言
按宋書孝武帝本紀大明元年冬十月丙申詔曰旒纁之道有孚于結繩日昃之勤已切于姬后况世弊敦淺歲月澆季朕雖勦力宇內未明求衣而識狹前王務廣昔代永言非德其愧良深朝野怨自達者寡惠民利公所昧實衆自今百辟庶尹下民賤隸有懷誠抱志擁鬱衡閭失理負謗未聞朝聽者皆聽躬自申奏小大以聞朕因聽政之日親對覽焉

明帝泰始二年下詔求言
按宋書明帝本紀泰始二年十一月壬辰詔曰矢機詢政立教之攸本舉賢聘逸弘化之所基故負鼎進策殷代以康釋鈞作輔周祚斯又朕甫承大業訓道未敷雖側席忠規矧夢巖榮而良圖莫薦奇士弗聞未鑒通古無忘宵寐今藩隅克晏敷化維始屢懷存治實望歲闕王公卿尹羣僚庶官其有嘉謀直獻匡俗濟時咸切事陳奏無或依隱

南齊

高帝建元三年詔求讜言

按南齊書高帝本紀建元三年春正月壬戌朔詔王公卿士薦讜言

武帝永明元年下詔求言

按南齊書武帝本紀永明元年春正月壬子詔內外羣僚各舉朕違肆心規諫

齊林王隆昌元年春正月詔百僚極陳得失

按南齊書齊林王本紀云云

明帝建武二年下詔求言

按南齊書明帝本紀建武二年春正月辛未詔王公卿士內外羣僚各舉朕違肆心極諫

東昏侯永元三年春正月辛亥詔天下百官陳讜言

按南齊書東昏侯本紀云云

梁

武帝天監元年下詔求言

按梁書武帝本紀天監元年夏四月癸酉詔曰商俗甫移遺風尚熾下不上達由來遠矣升中馭索增其凜然可於公車府誇木肺石傍各置一函若肉食莫言山阿欲有橫議投謗木函若從我江漢功在可策

犀兕徒弊龍蛇方縣次身才高妙擯壓莫通懷傳呂之術抱屈賈之歎其理有皦然受困包匭夫大政侵小豪門陵賤四民已窮九重莫達若欲自申並可投肺石函

天監六年詔士民陳言可採者大小以聞

按梁書武帝本紀六年春正月辛酉朔詔曰徑寸之寶或隱沙泥以人廢言君子斯戒朕聽朝晏罷思聞

政術雖百辟卿士有懷必聞而蓄響邊遐未臻魏闕或屈以貧陋或間以山川頓足延首無因奏達豈所

以沈浮靡漏遠邇兼得者乎四方士民若有欲陳言刑政益國利民淪礙幽遠不能自通者可各詮條布懷於刺史二千石有可申採大小以聞

天監九年詔羣臣集議各陳損益

按梁書武帝本紀九年五月己亥詔曰朕達聽思治無忘日昃而百司羣務其途不一隨時適用各有攸宜若非總會衆言無以備茲親覽自今臺閣省府州郡鎮戍應有職僚之所時共集議各陳損益具以奏聞

天監十年下詔求言

按梁書武帝本紀十年秋七月丙辰詔曰昔公卿面陳載在前史令僕陸奏列代明文所以釐彼庶績成茲羣務晉氏陵替虛誕爲風自此相因其失彌遠遂使武帳空勞無汲公之奏丹墀徒闕關鄭生之履三槐八座應有務之百官宜有所論可入陳啓庶藉周爰少匡寡薄

大同二年下詔求言

按梁書武帝本紀大同二年三月庚申詔曰政在養民德存被物上令如風民應如草朕以寡德運屬時來撥亂反正修焉三紀不能使重門不開守在海外疆場多阻車書未一民疲轉輸士勞邊防徹田爲糧未得頓止治道不明政用多僻百辟無沃心之言四聰闕飛耳之聽州輟刺舉郡忘共治致使失理負謗無由聞達侮文弄法因事生姦肺石空陳懸鐘徒設書不云乎股肱惟人良臣惟聖實賴賢佐匡其不及凡厥在朝各獻讜言政治不便於民者可悉陳之若在四遠刺史二千石長吏並以奏聞細民有言事者

咸爲申達朕將親覽以紓其過文武在位舉爾所知公侯將相隨才擢用拾遺補闕勿有所隱先是尚書右丞江子四上封事極言政治得失五月癸卯詔曰

古人有言屋漏在上知之在下朕所鍾過不能自覺江子四等封事如上尚書可時加檢括于民有蠹患者便即勒停宜速詳啓勿致淹緩

大同五年詔言政事得失

按梁書武帝本紀五年三月己未詔曰朕四聰既闕五識多蔽盡可外牒或致紕繆凡是政事不便於民者州郡縣即時皆言勿得欺隱如使怨訟當境任失而今而後以爲永准

大同六年下詔求言

按梁書武帝本紀六年八月辛未詔曰經國有體必詢諸朝所以尚書置令僕丞郎旦旦上朝以議時事前共籌懷然後奏聞頃者不爾每有疑事倚立求決古人有云主非堯舜何得發言便是是故放勳之聖猶咨四岳重華之殷亦待多士豈朕寡德所能獨斷自今尚書中有疑事前於朝堂參議然後啓聞不得習常其軍機要切前須諮審自依舊典

大同十一年下詔求言

按梁書武帝本紀十一年春三月庚辰詔曰皇王在昔澤風未遠故端居元扈拱默嚴廊自大道既淪澆波斯逝動競日滋情僞彌作朕負辰君臨百年將半宵漏未分躬勞政事白日西浮不遑殮飯退居猶於布素含咀匪過藜藿寧以萬乘爲貴四海爲富唯欲億兆康寧下民安乂雖復三思行事而百慮多失凡遠近分置內外條流四方所立屯傳邸治市塲析渡

津稅田園新舊守宰遊軍戍邏有不便於民者尚書州郡各速條上當隨言除省以舒民患

陳

宣帝太建四年下詔求言

按陳書宣帝本紀太建四年九月辛亥詔曰舉善從諫在上之明規進賢謁言爲臣之令範朕以寡德嗣守寶圖雖世襲隆平治非寧一辨方分職肝食早衣傍闕爭臣下無貢士何其闕爾鮮能抗直豈余獨運匪薦讜言置鼓公車罕論得失施石象魏莫陳可否朱雲摧檻良所不逢禽息觸檻又爲難值至如衣褐以見擔簦以遊或者艾絕倫或妙年異等干時而不偶左右莫之譽黑貂改弊黃金且殫終身滯淹可爲太息又貴爲百辟賤有十品工拙並驚勸沮莫分街諸徒擁廷議斯闕實朕之弗明而時無獻替永言至治何乃爽歟外可通示文武凡厥在位風化乖殊朝政紕蠹正色直辭有犯無隱

太建十四年正月後主即位三月下詔求言

按陳書後主本紀太建十四年正月丁巳即皇帝位三月癸亥詔曰昔唐后宰民哲王御寓雖德稱汪濊明能普燭猶復紆己乞言降情訪道高吞岳牧下聽興臺故能政若神明事無悔吝朕纂承丕緒思隆大業常懼九重已達四聰未廣欲聽昌言不疲瘁足若逢廷折無憚批鱗而口柔之辭儻聞於在位腹誅之意或隱於具寮非所以弘理至公緝熙帝載者也內外卿士文武衆司若有智周政術心練治體救民俗之疾苦辯禁網之疎密者各進忠讜無所隱諱朕將虛已聽受擇善而行庶深鑒物情匡我王度

後主至德四年下詔求言

按陳書後主本紀至德四年春正月甲寅詔曰堯施諫鼓禹拜昌言求之異等久著前徽舉以淹滯復聞昔典斯乃治道之深規帝王之切務朕以寡昧丕承鴻緒未明虛己日旰興懷萬機多紊四聰弗達思聞寔謬採其謀計王公已下各薦所知旁詢管庫爰及輿早一介有能片言可用朕親加聽覽佇於啓沃

北魏

明元帝泰常三年以星變詔求直言

按魏書明元帝本紀不載 按崔浩傳泰常三年彗星出天津入太微經北斗絡紫微犯天棓八十餘日至漢而滅太宗召諸儒衛士問之曰今天下未一四方嶽峙災咎之應將在今何國朕甚畏之盡情以言勿有所隱

孝文帝延興元年詔求直言

按魏書孝文帝本紀延興元年九月壬戌詔在位及民庶直言極諫有利民益治損政傷化悉心以聞承明元年詔求直言

按魏書孝文帝本紀承明元年八月甲子詔曰朕猥承前緒纂戎洪烈思隆先志緝熙政道羣公卿士其各勉厥心匡朕不逮諸有便民利國者具狀以聞十月己未詔曰朕繼承皇極照臨萬方思聞遐風光被兆庶使朝有不諱之音野無自蔽之響囑咨帝載詢及芻蕘自今已後羣官卿士下及吏民各聽上書直言極諫勿有所隱諸有便宜益治利民可以正風俗者有司以聞朕將親覽與三事大夫論其可否裁而用之

太和三年詔求直言

按魏書孝文帝本紀太和三年八月壬申詔羣臣直言盡規靡有所隱

太和七年下詔求言

按魏書孝文帝本紀七年九月壬寅詔曰朕承祖宗夙夜惟懼然聽政之際猶慮未周至於按文審獄思聞已過自今羣臣奏事當獻可替否無或面從使朕之過彰於遠近

太和八年詔求直言

按魏書孝文帝本紀八年八月甲辰詔曰帝業至重非廣詢無以致治王務至繁非博採無以興功先王知其如此故虛已以求過明恕以思咎是以諫鼓置於堯世謗木立於舜庭用能耳目四達庶類咸熙朕承累聖之洪基屬千載之昌運每布遐風景行前式承明之初班下內外聽人各盡規以補其闕中旨雖宣允稱者少故變時法遠遵古典班制俸祿改更刑書寬猛未允人或異議思言者莫由申情求諫者無因自達故令上明不周下情壅塞今制百辟卿士工商吏民各上便宜利民益治損化傷政直言極諫勿有所隱務令辭無煩華理從簡實朕將親覽以知世事之要使言之者無罪聞之者足以爲戒

太和九年詔求直言

按魏書孝文帝本紀九年二月乙巳詔曰昔之哲王莫不博採下情勤求箴諫建設旌鼓詢納芻蕘朕班祿刪刑慮不周允虛懷讜直思顯洪猷百司卿士及工商吏民其各上書極諫靡有所隱

太和十一年詔求直言

按魏書孝文帝本紀十一年六月癸未詔曰春旱至今野無青草上天致譴實繇德百姓無辜將罹饑饉寤寐思求罔知所益公卿內外股肱之臣謀猷所寄其極言無隱以救民瘼

宣武帝正始三年詔求直言

按魏書宣武帝本紀正始三年二月丙辰詔曰昔虞戒面從昌言屢進周任諫輔王闕必箴朕仰續鴻基伏膺寶曆思康庶績一日萬幾是以側望忠言虛求讜直而良策弗進規畫無聞豈所謂弼諧元首匡救不逮者乎可詔王公已下其有嘉謀深圖直言忠諫利國便民矯時厲俗者咸令指事陳奏無或依違

孝明帝神龜二年詔求直言

按魏書孝明帝本紀神龜二年二月丁丑詔求直言諸上書者聽密封通奏

孝昌二年詔直言時政得失

按魏書孝明帝本紀孝昌二年六月戊子詔曰自運屬艱棘歷載於茲烽驛交馳旌鼓不息祖宗盛業危若綴旒社稷洪基殆將淪墜朕威德不能遐被經略無以遠及俾令蒼生罹此塗炭何以苟安黃屋無愧黔黎今便避居正殿疏養素服當親自招募收集忠勇其有直言正諫之士敢決徇義之夫二十五日悉集華林東門人別引見共論得失班告內外咸使聞知

孝莊帝建義元年詔求直言

按魏書孝莊帝本紀建義元年六月帝以寇難未夷避正殿責躬撤膳又班募格收集忠勇其有直言正諫之士敢決徇義之夫陳國家利害之謀赴君親危

難之節者集華林園面論事

北齊

文宣帝天保元年詔求直言

按北齊書文宣帝本紀天保元年八月詔曰有能直言極諫不避罪辜謗若朱雲謬謂若周舍開朕意沃朕心弼予一人利兼百姓者必當寵以榮祿待以不次

孝昭帝皇建元年八月乙酉詔譽正之士聽進見陳事

按北齊書孝昭帝本紀云云

北周

明帝武成元年詔公卿大夫讜言極諫

按周書明帝本紀武成元年六月戊子大雨霖詔曰昔唐咨四岳殷告六胥觀災興懼威實時雍朕撫運膺圖作民父母弗敢怠荒以求民瘼而霖雨作沴害麥傷苗隕屋漂垣泊於昏墊諒朕不德蒼生何咎刑政所失罔識厥由公卿大夫士爰及牧守黎庶等今宜各上封事讜言極論罔有所諱朕將覽察以答天戒

武帝保定三年四月壬戌詔百官及民庶上封事極言得失

言得失

按周書武帝本紀云云

建德元年夏四月丙戌詔百官軍民上封事極言得失

失

按周書武帝本紀云云

隋

文帝開皇九年下詔求言

按隋書文帝本紀開皇九年夏四月壬戌詔曰朕君臨區宇於茲九載開直言之路披不諱之心形於顏色勞於典寢自頃逞藝論功昌言乃衆推誠切諫其事甚疎公卿士庶非所望也各啓至誠匡茲不逮見善必進有才必舉無或噤嘿退有後言頒告天下咸悉此意

開皇十一年五月癸卯詔百官悉詣朝堂上封事

按隋書文帝本紀云云

煬帝大業元年詔庶民詣朝堂直言時政闕失

按隋書煬帝本紀大業元年三月戊申詔曰聽採輿頌謀及庶民故能審政刑之得失是知昧旦思治欲使幽枉必達彝倫有章而牧宰任稱朝委苟爲微倖以求考課虛立殿最不存治實綱紀於是弗理冤屈所以莫申關河重阻無由自達朕故建立東京躬親存問今將巡歷淮海觀省風俗眷求讜言徒繁詞翰而鄉校之內闕爾無聞愜然夕惕用忘典寢其民下有知州縣官人政治苛刻侵害百姓背公徇私不便於民者宜聽詣朝堂封奏庶乎四聰以達天下無冤

欽定古今圖書集成明倫彙編皇極典
第二百六十四卷目錄

聽言部彙考二

唐高祖武德一則 太宗貞觀六則 高宗永
則 神龍一則 儀鳳一則 中宗聖武一則
則 上元一則 元宗開元三則 肅宗乾元二則
則 肅宗建中一則 代宗廣德二則 大曆三則
則 肅宗上元一則 肅宗長慶一則 肅宗寶曆
則 肅宗太和三則 肅宗長慶一則 肅宗寶曆
則 肅宗太和三則 肅宗長慶一則 肅宗寶曆
則 肅宗太和三則 肅宗長慶一則 肅宗寶曆

後梁 太祖乾化二則

後唐 莊宗同光三則 明宗天成一則 長興

後晉 高祖天福四則

後漢 高祖開運一則

後周 太祖廣順一則 世宗顯德三則

遼 太祖神冊一則 太宗會同二則 景宗保

宋太祖建隆一則 太宗太平興國一則 雍

中興符一則 仁宗天聖一則 明道二則

平定一則 神宗熙寧三則 元豐二則 哲宗

觀聖一則 宣和八則 欽宗靖康一則 高宗

建炎三則 紹興三則 孝宗隆興二則 乾

道二則 淳熙三則 光宗紹熙二則 寧宗

慶元一則 嘉泰一則 嘉熙二則 淳祐三則

開慶一則 景定二則 嘉熙二則 淳祐三則

金世宗大定八則 章宗明昌二則 承安二

元世祖至元一則 成宗元貞一則 武宗至

順帝至正一則 仁宗延祐二則 英宗至治一則

明太祖洪武五則 惠宗建文二則 成祖永

英宗正統二則 代宗景泰二則 宣宗宣德一則

順一則 憲宗成化二則 孝宗弘治三則 英宗天

皇極典第二百六十四卷
聽言部彙考二

唐

高祖武德二年令羣臣直言無諱

按唐書高祖本紀不載 按冊府元龜武德二年閏

二月甲辰考羣臣以李綱孫伏伽爲上第帝置酒高

會奏九部樂於庭高祖謂裴寂曰隋末無道上下相

蒙主則驕矜臣唯詔佞上不聞過下不盡忠至使社

稷傾危死於匹夫之手朕撥亂反正念在安民平亂

任武臣官方委文吏庶得各展器能以輔不逮比每

虛心接待冀聞讜言然唯李綱苦盡忠款孫伏伽可

謂誠直餘人猶踵敝風倖首而已豈朕所望哉當以

身爲嬰兒方朕於慈父有懷必盡有意必申

太宗貞觀元年令侍臣直言無諱

按唐書太宗本紀不載 按冊府元龜貞觀元年正

月謂侍臣曰正主任邪臣不能致治正臣事邪主不

能致治唯君臣相遇有同魚水則可得安天下也昔

漢高祖田舍翁耳提三尺劍而定天下既而規模弘

遠流慶子孫此蓋任得賢人之所致也後世稱美不

容於口朕雖不明闕於學問至夫大奸大惡容或知

之幸諸公數相諫正王珪對曰臣聞木從繩則正后

從諫則聖古者天子必有諫臣七人言不用則相繼

以死陛下開聖慮納謏謏愚臣處不諱之朝實願罄

其狂瞽太宗稱善自是中書門下及三品已上入內

平章軍國必使諫官隨之欲其預聞政事有所開說

太宗虛已納之十一月壬戌太宗謂侍臣曰隋帝性

多猜忌上下情不相達斯豈致治之理乎朕今推赤

心以相付亦望公輩以直心相向縱有指陳深切無
憂逆忤

貞觀三年以災異詔求直言

按唐書太宗本紀貞觀三年六月己卯大風拔木王

午詔文武官言事

按冊府元龜貞觀三年五月徐州蝗且旱六月詔曰

豈賞罰不中任用失所將奢侈未革苞苴尚行者乎

文武百辟各宜上封事極言朕過勿有所隱

貞觀四年以旱詔公卿言事

按唐書太宗本紀貞觀四年二月丁巳以旱詔公卿

言事

按舊唐書太宗本紀貞觀四年秋七月甲子朔日有

蝕之上謂房元齡蕭瑀曰隋文何等主對曰克己復

禮勤勞思政每一坐朝或至日昃五品已上引之論

事宿衛之人傳殮而食雖非性體仁明亦勵精之主

也上曰公得其一未知其二此人性至察而心不明

夫心暗則照有不通至察則多疑於物自以欺孤寡

得之謂羣下不可信任事皆自決雖勞神苦形未能

盡合於理朝臣既知上意亦復不敢直言宰相已下

承受而已朕意不然以天下之廣豈可獨斷一人之

慮朕方選天下之才爲天下之務委任責成各盡其

用庶幾於理也因令有司詔勅不便於時即宜執奏

不得順旨施行

貞觀十一年以水災詔求直言

按唐書太宗本紀十一年秋七月癸未大雨水穀落

溢乙未詔百官言事

按冊府元龜十一年七月以水災詔文武百寮各上

封事極言朕過勿有所隱諸州官民有能明識治道方正直諫者並宜薦達朕將親見其人問以得失九月帝謂侍臣曰朕居九重之內藉左右為耳目但舉事出入虧政害人必須矯正朕將思改之

貞觀十七年以早詔羣臣言事

按唐書太宗本紀十七年六月甲午以早詔京官五品以上言事

按開府元龜十七年正月帝謂侍臣曰朕觀古先帝王何嘗不受正諫以興化拒忠言而亡滅有諫朕安國者授以高官矯朕為非者加以顯戮虛心付待終無所應然喜得三事思有終始一則克平禍亂四裔順軌二則災異不生百姓殷實三則年在盛壯君臨天下既喜所得當懼所失三思而動庶無愆尤必不涓橋乘船霸陵縱轡慎夫人同坐夏太康久獵如此等事當不煩諫諍耳倘嗜慾選性喜怒哀樂但聞一言而正豈候三諫之勞朕於公等乞言幸無所隱四月帝謂侍臣曰前王之取天下必藉衆力英才輔助仰成師主朕昔仗義而起策發諸寇寇平於手即位以後誠念蒼生有人上封事獻直言能益於時以裨政要者朕傾耳而聽拭目而覽合於務者不以與皂而廢其言也

貞觀二十年詔羣臣直言無隱

按唐書太宗本紀不載 按開府元龜貞觀二十年十二月帝手詔曰朕聞堯舜之君自愚而益智桀紂之主繇智以添愚故異順逆於忠言則殊榮辱於帝道朕登躡宇宙宇育黔黎恐大德之或虧懼小瑕之有累候忠良之獻替想英傑之謀猷而諫鼓空懸逆

耳之言罕進謗木徒設悖心之論全無唯昔魏徵每顯余過自其逝也雖有莫彰豈其獨有非於往時而皆是於茲日固亦庶僚苟順不觸龍鱗所以虛已外求披衷內省言而不用朕所甘心用而不言誰之責也自斯已後各悉乃誠若有是非直言無隱

高宗末微元年以地震詔五品以上言事

按唐書高宗本紀末微元年六月庚辰晉州地震詔五品以上言事

末微四年四月壬寅以早詔文武官言事

按唐書高宗本紀云云

末微五年以早詔文武官言事

按唐書高宗本紀末微五年正月丙寅以早詔文武官朝集使言事

按開府元龜末微五年正月以時早手詔京文武九品以上及朝集使各進封事極言厥咎九月帝謂五品以上曰往日不離膝下旦夕侍奉當時見五品以上論事或有仗下而奏或有進狀而論者終日不絕豈今時無事公等何不言也自今已後宜數論事若不能面奏任各進狀

龍朔三年以星變詔百寮言事

按唐書高宗本紀龍朔三年八月癸卯有彗星出於左攝提戊申詔百僚言事

按開府元龜龍朔三年八月戊申詔凡百在位宜極

言得失悉心無隱以救不逮

總章元年以星變詔求直言

按唐書高宗本紀總章元年四月丙辰有彗星出於五車詔內外官言事

按舊唐書高宗本紀乾封三年二月詔改元為總章元年夏四月丙辰有彗星見於畢昂之間乙丑上選正殿減膳詔內外羣官各上封事極言過失於是羣臣上言星雖字而光芒小此非國害不足上勞聖慮請御正殿復常饌帝曰朕獲奉宗廟撫臨億兆謫見於天誠朕之不德也當責躬修德以禳之羣臣復進曰星孛於東北此高麗將滅之徵帝曰高麗百姓即朕之百姓也既為萬國之主豈可推過於小蕃竟不從所請乙亥彗星滅

咸亨元年十月庚辰詔文武官言事

按唐書高宗本紀云云

上元二年四月丙戌以早詔百官言事

按唐書高宗本紀云云

儀鳳元年以星變詔文武官言事

按唐書高宗本紀儀鳳元年七月丁亥有彗星出於東井八月庚子詔文武官言事

中宗嗣聖四年太后以旱下詔求言

按唐書武后本紀垂拱三年四月癸丑以旱命京官九品以上言事

神龍元年詔求直言

按唐書中宗本紀不載

按舊唐書中宗本紀神龍元年二月詔九品已上及朝集使極言朝政得失

元宗開元二年正月壬午以關內旱求直言

按唐書元宗本紀云云

開元三年詔求直言

按唐書元宗本紀不載

按開府元龜開元三年五月以早故下詔令諸長官各言時政得失以輔朕之

不逮十月詔曰朕以薄德祇膺唐圖會不能虛己淳源勵精至道將致俗於仁壽思納人於軌訓幸乾坤交泰風雨咸若中外百僚盡知戒懼天下萬姓頗亦歡康猶恐人或未安政有不愜令外司置匭側門進狀封章論事靡所不達軒階進規於何不盡會無忤旨之罰實有推心之期豈朕之不誠何人則未論如聞朝廷之內噂喏紛然進不昌言退不訕議懸書以誇國僑之患鄧析偽言而辨孔子之誅少正自昔為蠹罔不在茲求於理政固宜懲絕自今已後制勅有不便於時及除授有不稱於職或內懷姦忒外損公私並聽進狀具陳得失五品已上官乃許其廷爭若輕肆口語潛行誹謗委御史大夫已下嚴加察訪狀涉疑似推勘奏聞

開元十四年以災異詔求直言

按唐書肅宗本紀開元十四年六月戊午東都大風拔木王戎詔州縣長官言事

按舊唐書元宗本紀開元十四年六月戊午大風拔木發屋毀端門鴟吻都城門等及寺觀鴟吻落者殆半上以早暴風雨命中外羣官上封事指言時政得失無有所隱

肅宗乾元元年詔求直言

按唐書肅宗本紀乾元元年四月乙卯賜文武官階勳爵京官九品以上言事

按冊府元龜乾元元年四月詔京官九品已上許上封事極言時政得失朕將親覽用佇嘉謀才有可觀別當甄錄

乾元二年詔求直言

按唐書肅宗本紀不載 按舊唐書肅宗本紀乾元二年夏四月壬寅詔文武五品已上正官各舉賢良方正直言極諫一人任自封進兩省官十日一上封事

按冊府元龜二年三月詔昔公卿面諫載在簡冊令僕陸秦亦惟舊章所以下竭其忠上聞其過君臣同德豈不盛歟公卿已下有能論時政之非箴朕躬之闕有益於國有利於人宜盡昌言以救時敝朕必當行終無諱者朝廷用一人擢一職或有不當亦任奏論在京文武五品已上正員清資官各舉賢良方正直言極諫一人任自封進兩省官十日一上封事直論得失無假文言冀成殿最用存沮勸

上元二年令諫官直言時政得失

按唐書肅宗本紀不載 按冊府元龜上元二年九月制曰所設諫曹開諷議允副從繩之望須成削藥之書其諫官令每月一上封事指陳時政得失若不舉職事當別有處分

代宗廣德元年令諫官直言無諱

按唐書代宗本紀不載 按冊府元龜廣德元年七月制諫官每月一上封事無所迴避

廣德二年詔求直言

按唐書代宗本紀不載 按冊府元龜二年二月制百官有論時政得失並任指陳事實具狀進封必宜切直無諱有司自身人亦宜准此任詣匭使進表朕將親覽必加擇用三月詔曰為政者宣之使言作事者稽之於衆切於求道務以從人將明目而達聰亦理煩而去惑經國之體庶無闕言文武百官及諸色

人等有論時政得失上封事者狀出後宜令左右僕射尚書及左右丞諸司侍郎御史大夫中丞等於尚書省詳議可否具狀聞奏其所上封事除常察官外有時辭理可觀或幹能堪用者亦宜具言詳議官中或見不同者即任別狀奏聞十二月乙酉令諫官每日奏事

大曆七年以災異詔求直言

按唐書代宗本紀不載 按冊府元龜大曆七年十一月制曰淮南數州夏秋無雨朕精誠奉天誠懼臨下唯恐明有所不照聰有所不達百辟卿士咸弼予違宣示百姓令知朕意

大曆八年詔求直言

按唐書代宗本紀大曆八年九月戊子詔京官五品以上兩省供奉官郎官御史言事

按冊府元龜八年九月詔京官五品已上及兩省供奉官郎官御史各上封事論國之利害時大有年帝慮稅重害農弊延百姓乃下是詔旬日內抗疏者百餘人損益各異悉親覽畱中不出

大曆十二年下詔求言

按唐書代宗本紀十二年四月癸巳詔諫官獻封事勿限時側門論事者隨狀面奏六品以上官言事投匭者無勅副章

按冊府元龜十二年四月詔曰昔予太祖太宗之御天下也功格二儀不私於己化覃萬宇猶問於人外與公卿大夫討論政典內與鴻生碩老演暢儒風日旰忘勞特稱至理猶復旁求諫諍俯察謬謠廣延不諱之書載建登聞之鼓於時中朝無闕政四海無疲

人歷代是遵列聖相軌朕承天序祇奉睿圖戰戰兢兢日慎一日於茲十六年矣何嘗不屬精理道欲得忠賢虛己清心日有所待直詞讜議或時空聞五諫

七臣人其安在眷懷於此耿耿良深頃以任非其人凡事壅蔽今則已懲厥罪正乃惟心式佇嘉猷庶碑不德自今已後諫官所獻封事不限早晚任進狀來

所繇門司不得輒有停滯如須側門論事亦任隨狀面奏即便令引對如有除拜不稱於職詔令不便於時法禁乖宜刑賞未當征求無節寬濫在人並宜極

論得失無迴避以稱朕意其常朝官六品已上亦宜准此其擊登聞鼓者金吾將軍收狀為進不得輒有損傷亦不許令人遮擁禁止其理雖使但任投匭人

投表狀於匭中依常進不須勒留副本并接時妄有盤問方便止遏欲使萬邦之事無隔於九重獻替之謨不遺於聽覽

德宗建中元年詔求直言

按唐書德宗本紀不載 按開府元龜德宗即位初大赦制憲官諫官常參官每政事錯綜即面折廷爭

無有所隱憲司彈奏一依貞觀故事其知匭使先有明勅非不丁寧猶聞擁遏自今已後仰每日詣匭務

招遠方達聰明目諸司各舉厥職共守至公天下有才業尤著高蹈丘園及直言極諫之士所在具以名聞

興元元年令朝臣面奏時政得失精擇諫官俾直言無隱

按唐書德宗本紀不載 按舊唐書德宗本紀興元元年九月丁亥上顧謂宰臣曰今大盜雖除時猶多

難宜廣延納以達下情近日諫官都無論奏自今每正衙及延英坐日常令朝臣三兩人面奏時政得失庶有弘益

按開府元龜興元元年九月令精擇諫官俾直言無隱 貞元元年詔羣臣直言時政得失

按唐書德宗本紀不載 按舊唐書德宗本紀貞元元年三月甲寅詔宰臣宣論御史今後上封彈奏人自陳論不得羣署章疏

按開府元龜貞元元年八月詔令待制官各陳所見方略十二月以蝗螟之後流庸未復詔延英視事日

令常參官七人對見問以時政得失 貞元四年以地震下詔求言

按唐書德宗本紀貞元四年正月庚戌朔京師地震詔九品以上官言事

貞元六年以春旱下詔求言 按唐書德宗本紀六年春旱閏四月乙卯詔常參官

畿縣令言事 按開府元龜六年閏四月以歲旱令常參官及京畿縣令各上封事指陳救人之術致旱之緣咸極乃誠

無有所隱 貞元九年詔求直言 按唐書德宗本紀不載

按開府元龜九年十一月日南至郊祀禮畢大赦天下諸司官有陳時政得失者各盡所見修疏封進人有冤滯事有關遺悉當極言無所隱避

貞元二十一年順宗即位詔求直言

按唐書順宗本紀不載 按開府元龜順宗以貞元二十一年正月即位詔內外官及諸色人任上封事極言時政得失有才可觀別當甄獎

憲宗元和二年詔公卿直言無諱 按唐書憲宗本紀不載

按舊唐書憲宗本紀元和二年十二月丙辰上謂宰臣曰朕覽國書見文皇帝行事少有過差諫臣論諍往復數四况朕之寡昧涉道未明今後事或未當卿等每事十論不可一二而止

元和十五年穆宗即位詔求直言 按唐書穆宗本紀不載

按開府元龜穆宗以元和十五年正月即位二月御丹鳳樓大赦詔內外文武官及諸色人等中任上封事極言時政得失有才可觀別當甄獎

穆宗長慶四年正月辛亥詔百官言事 按唐書穆宗本紀云云

敬宗寶曆元年詔諫官直言無隱 按唐書敬宗本紀不載

按開府元龜寶曆元年正月敕書朕即位之初已有敕令至如損徹服御絕止他獻限喪葬以息淫費禁奇靡以專女工他淫擅賦

閉糴禁錢吏行姦欺人曷依庇僧道踰濫流貶重輕錢幣利害軍屯侵占車馬衣服之式未幾廢格已多或職司惰慢而不能將明或詔書纔行而下已不守

以此求理不亦難乎其元和以來詔并長慶四年三月三日敕令有委廢不行事在朕躬者諫官直言得失無有所隱

文宗太和元年詔求直言

按唐書文宗本紀不載 按冊府元龜太和元年正月敕詔內外文武官及諸色人任上封事極言得失無有隱諱四月宰臣對罷召常侍諫議給事中中書舍人起居補闕拾遺集於政事堂宣諭聖旨自今已後如有公事面論奏者並宜對來六月詔曰內外卿士有規朕過宜上封事條奏

太和六年以災異詔求直言 按唐書文宗本紀太和六年五月庚申詔如聞諸道水旱害人疾疫相繼宵旰罪己興寢疚懷今長史奏申札瘡猶甚蓋教化未感於蒸人精誠未格於天地法令或爽官吏為非有一於茲皆傷和氣並委中外臣僚一一具所見聞奏朕當親覽無憚直言

太和九年置諫院印令諫官密章言事 按唐書文宗本紀不載 按冊府元龜太和九年十二月勅創造諫院印一面以諫院之印為文諫院舊無印苟有章疏各於本司請印諫官有疏人多知之至是特勅置印兼詔諫官凡所論事有關機密任別以狀引之不須以官銜結署

開成元年詔求直言 按唐書文宗本紀不載 按冊府元龜開成元年正月一日敕書內外文武官及諸色人任上封事極言得失有裨時政必加陞擢待以不次

開成二年詔羣臣極言得失 按唐書文宗本紀不載 按舊唐書文宗本紀開成二年三月壬申詔曰朕嗣丕構對越上元虔恭寅畏於今一紀何嘗不宵衣念道晨食思愆師周文之小心慕易乾之夕惕懼德不類貽列聖羞將欲俗致和平時無殃咎然誠未格物謫見於天仰愧三靈使慙庶冀思復有濟浩無津涯昔宋景發言星因退舍魯倍納諫饒不害人取鑒往賢深惟自勵在朝羣臣方岳長吏各上封事極言得失弼違納誨副我虛懷

按冊府元龜二年三月壬申詔常參官及諸州府長吏如有規諫者各上封事極言得失陳救災之本明致理之方咸竭乃心以輔厥辟 開成三年以星異詔求直言 按唐書文宗本紀不載 按冊府元龜三年十一月以妖星見降詔文武百官及諸色人有能通達刑政之源參考天人之際任各上章疏指言得失 懿宗咸通四年詔求直言 按唐書懿宗本紀不載 按冊府元龜咸通四年正月詔曰濟濟多士邦國賴之以取寧審審匪躬王臣急之以行義故內懸諫鼓外設匭函思廣謨猷用弘風教自此在朝廷者勿輟利國之謀居草澤者但貢安民之策必當開納擇彼所長勿慮依違翻成自滯旌揚之道無所悞焉

僖宗光啓元年詔求直言 按唐書僖宗本紀不載 按冊府元龜光啓元年三月詔曰古者進善翹旌蔽賢削地苟異至公之選適開浮黨之門要在拔奇方資濟理昔貞觀散亂既久治具畢張而馬周徒步獻書上猶前席魏徵直言替否下得竭誠况朕久致履危實惟懼道欲新庶政益賴羣才已詔中外臣僚必使搜羅淹滯仍令文武各陳所見冀有可裨苟申籌國之謀是濟同舟之患非

無上賞佇稱勤求布告遠近咸使知悉 後梁 太祖乾化元年詔求危言正諫 按五代史梁太祖本紀乾化元年春正月庚寅敕流罪以下因求危言正諫 按冊府元龜乾化元年正月朔日有食之庚寅制曰兩漢已來日蝕地震百官各上封事指陳得失蓋欲周知時病盡達物情用緝國章以奉天誡朕每思逆耳罔忌觸鱗將洽政經庶開言路况茲謫見當有咎徵其在列辟羣臣危言正諫極萬邦之利害致六合之殷昌毗予一人永建皇極 乾化二年詔臣民極言得失 按五代史梁太祖本紀不載 按冊府元龜乾化二年詔曰謗木求規集叢貢事將裨理道豈限側言應內外文武百官及草澤並許上封事極言得失

後唐 莊宗同光元年下詔求言 按五代史唐莊宗本紀不載 按冊府元龜同光元年四月即位制曰內外文武官及諸色人任上封事兼有賢良方正抱器懷能或利害可陳無所隱諱直言極諫朕將一行之亦委諸道長吏具姓名申奏閏四月帝御延英殿顧謂侍臣曰朕自創業已來勤於軍旅至聖王治道殊未經心陸生有言以馬上得之不可以馬上為治朕惟寡昧夙夜惕然實賴卿等獻納忠言箴規得失朕不學曹丕云舜禹之事吾知之矣遂非拒諫自取厥違敬俟語言輔茲不逮 同光二年下詔求言

明倫彙編皇極典第二百六十四卷聽言部

第二四二冊 之〇七葉

按五代史唐莊宗本紀不載 按冊府元龜二年二月詔曰堯鼓明懸貴聞進諫舜旌旁建止爲求賢是宜廣納話言庶箴闕政洎爲梁人滋澆薄朝掩忠良冀聞投水之規莫識從繩之論此後應兩省文武常參官并前查草澤之士有謀分利害事計彌遠并許上表敷陳朕當選長旌錄如有性多毀譽私行愛憎承寬偶恃於得言縱志惟專於罔善朕亦潛令伺察觀要審詳狡蠹有彰罪刑無赦
同光三年下詔求言

按五代史唐莊宗本紀不載 按冊府元龜三年閏十二月詔曰朕聞古先哲王臨御天下上則以無偏無黨爲政治次則以足食足兵爲遠謀緬惟前修誠可師範朕纂承鳳曆嗣守鴻圖三載於茲萬機是總非不知五兵未輯兆庶多難蓋賴卿等寅亮居懷康濟爲務冀盡賦輿之理洞詢合轍之規今則潛按方區備聆謠俗或力役罕均其勞逸或賦租莫辨於後先但以督促爲名煩苛不已被甲胄者何嘗充給趨朝省者專因支持州閭之貨施全疎天地之災履屢應以至星辰越度旱澇不時農桑失業於丘園饑饉相望於郊野生靈及此寢食寧遑豈非朕德政未孚焦勞自撥者耶朕昨親援毫翰軫念瘡痍一則詢而謀猷一則表予宵旰未披來奏轉撓予懷敢不翼翼罪躬乾乾軫慮咨爾四岳弼予一人何不舉爾賢才輔予寡昧百辟羣后或有盡忠者被掩其能抱器者難陳其力或草澤有遺逸之士山林多屈滯之人爾所不知吾將何助卿等位尊調鼎名顯代天既達不諱之朝何慘繇中之說宜歷告中外急訪英髦應在

任及前資文武官下至草澤之士有濟國治民除奸革弊者並宜各獻封章朕選擇施行其近宣御札亦可告諭內外體朕意焉

明宗天成三年御札求直言

按五代史唐明宗本紀天成三年三月丁未朔御札求直言

按冊府元龜天成三年三月丁未宣御札曰朕奄有四海於今三年敬事天神敢忘日慎上憑列聖賴祖宗之垂休下設庶官思邦家之共治聞過必服見善則師靜惟省躬動懷畏懼每從人欲方布時和不謂仲春已來繁陰未散雖如膏之澤可待豐年而飛霰其濛恐傷粟麥實關穡務深軫納隍卿等陳力有方直言無避共熙帝載以沃朕心更吐嘉謀庶裨闕政應文武百官奏對恐有隱密之事不敢當庭敷揚即許上章極言時政善惡貴合天道弛張

長興四年詔求直言
按五代史唐明宗本紀不載 按冊府元龜長興四年八月戊申受尊號畢下制曰在朝文武官寮并諸色職員有能直言極諫者各上封事盡當開納

後晉

高祖天福元年御札求直言

按五代史晉高祖本紀天福元年十二月辛卯御札求直言

按冊府元龜天福元年閏十一月壬午勅曰鳴諫鼓以俟讜言列肺石以申冤滯將聞善以自戒思與物而垂恩備著前規用光大業或直辭可貴或有理可矜各務奏陳皆當鑒納十二月庚寅御札宣示百寮

曰朕猥以眇冲式承眷命雖宵衣旰食不敢怠荒而一日萬機有虞曠闕應在朝文武臣寮等早升班序並蘊器能懷康濟之才展經綸之術既逢昌運宜罄讜言須務救時各思舉職勿取容而避事勿尸祿以曠官或時經未叶於和平必思獻替或命令未諧於允當必在箴規苟有敷陳並當開納俟汝匪躬之節副予仄席之求凡在朝廷共裨寡德咨爾卿士宜體朕懷

天福二年御札求直言

按五代史晉高祖本紀二年五月壬戌御札求直言
按冊府元龜二年五月御札示百寮曰朕自祇膺大寶虔奉丕圖每念創業之艱難未嘗終食而懈墮所冀照臨之內將臻康泰之風庶幾億兆之中漸息瘡痍之痛雖疚心罔暇而逆耳無聞豈視聽之不開故箴規之未貢應在朝文武臣寮等各懷異術早踐通班宜陳經濟之謀用贊興隆之道勿失讜直之議無拘循避之規咸罄乃誠同規不逮宜令在朝文武臣僚每人各進封事一件仍須實封通進務裨闕政用副虛懷凡百寮衆宜體朕意

天福三年詔求直言

按五代史晉高祖本紀不載 按冊府元龜三年二月御札曰百官曾有宣示令進封事據到者未及十人食祿於朝卒無一言可不知貞觀政要說言而不用朕所甘心用而不言誰之責也帝急於時病務求致理時命吏部尚書梁文矩等十人置詳定院詔遣百官上封事夫封事箴時政之闕達於一人否者畱中可者行之今下詳定司未敢有盡其言者自是數

月僂俛滯命故有御札促焉
天福七年下詔求言

按五代史晉高祖本紀不載 按冊府元龜七年閏三月勅起今後百官每五日一度起居日輪差定兩員官具所見實封以聞

後漢

高祖開運四年二月漢高祖即位稱天福十二年六月詔求直言

按五代史漢高祖本紀不載 按冊府元龜漢高祖以晉開運四年二月即位稱天福十二年至六月詔曰古者詢芻蕘之言探歌詩之諷冀求利病以省是非况濟濟盈朝謦謦就列懷才抱器博古知今苟無弘益之辭曷表翊扶之力起今後文武百寮每遇後殿起居日仰具利濟上章以聞次第循環周而復始嘉謀嘉猷之告庶得聞知可久可大之規期於曉達亦聆此事向來已行但率皆浮言鮮克忠告良繇時或拘忌人有依違遂使急務慎於指陳浪語盈於章奏有名無實阿旨取容今則不然所宜改作凡有封事並可直言無用飾辭務存確論輔此不逮稱朕意焉

後周

太祖廣順元年詔求直言

按五代史周太祖本紀不載 按冊府元龜周太祖廣順元年正月丁卯即位制曰自古聖帝明王莫不好賢樂諫是以立誹謗之木採芻蕘之言時之利病罔不知政之得失無不察達聰明目其在茲乎應內外文武臣寮有見識灼然益於道者許非時上章聞

達庚辰又詔曰朕昔在側微罔親教學但明軍旅之事安知王化之基而天命眷求神器自至涉道斯淺何德以堪爰念得之雖難未若守之不易况承敝之後致理尤難蒼生未得息肩賢者尚多鉗口必欲使下情上達上情下通聞所未聞見所未見莫若開其言路詢於廷臣冀時政之得失必論君道之否臧必告自然昏蒙漸滌聽覽有資致於日新其在封事如聞累朝舊制咸令轉對上書百辟相循五日為准然或權臣惜短時主多猜敢不深切為言恐以傷觸獲戾至有搜羅鄙事蔓延虛辭徒率以為勞於裨補而何取朕猥惟涼德肇啓丕圖屹屹覽於萬幾未能廣其庶績兢兢念於百姓何以致之小康實畏以居思慮為疾實賴黎獻獻諫以譴言一則究邦國之規模一則觀卿士之才器且採摛紳之議不亦愈於芻蕘之詞詢賢哲之謀不亦愈於工讐之諫應在朝文武百寮凡有所見益國利民之事並可實封而奏詣閣門進納即不可尚習餘風更循舊轍無益於理者勿說不濟於時者勿書縱使指朕之非攻朕之短自當改過不吝豈但從諫如流如或武班中有出自戰功不親儒墨苟有殊見安得惜言固可假手直書豈在屬文麗藻至於藩侯郡牧當切務於安時盡於政者必知利於民者必曉但關弘益悉可敷聞朕今論此至懷固非掠其虛美志在得畫一之道成可久之規濟濟英翹無辭貢直事有短者不責理有長者必行但存輔翼之心勿以逆鱗為懼咸在中外宜副朕心世宗顯德元年下詔求言

按五代史周世宗本紀不載 按冊府元龜顯德元年

按冊府元龜元龜顯德元年三月詔曰文武班列親近臣寮愛國誠堅致君心切苟或聞朕躬之過失觀時政之否臧無惜敷陳以補寡昧苦口良藥逆耳忠言裨益茲多翹矜惟切今後內外臣寮或有所見及有所裨贊可具實封章表以聞或欲面對便仰閣門司非時引見顯德二年御札求直言

按五代史周世宗本紀顯德二年春二月御札求直言

按冊府元龜二年二月詔曰善操理者不能有全功善處身者不能無過失雖堯舜禹湯之上聖文武成康之至明尚猶思逆耳之言求苦口之藥何况後之人不逮哉朕承先帝之靈居至尊之位涉道猶淺經事未深常懼昏蒙不克負荷自臨宸極已過周星至於刑政取舍之間國家措置之事豈能盡是須有未周朕猶自知人豈不察而在位者未有一人指朕躬之過失食祿者曾無一言論時政之是非豈朕之寡昧不足與言邪豈人之循默未肯盡心邪豈左右前後有所畏忌邪豈高卑疎近自生間別邪古人云君子大言受大祿小言受小祿又云官箴王闕則是士大夫之有祿位無不言之人然則為人上者不能感其心而致其言此朕之過也得不求骨鯁之辭詢正直之議共申裨益庶洽治平朕於卿大夫才不能盡知面不能盡識若不採其言而觀其行審其意而察其忠則何以見器略之淺深任用之當否若言之不入罪實在予苟求之不言將誰執咎應內外文武臣寮今後或有所見所聞並許上章論諫若朕躬之有闕失得以盡言時政之有瑕疵勿宜有隱方求名實